

այդ նպատակով ներքեից բարձրացրած հենապատի վրա, որով հարմարութիւն է ստեղծվում պատշգամբի տակ պահեստի համար մի ղետեղարան ունենալու: Նոր ժամանակներում ավելի տարածված է առջևից փայտե պատշգամբ շինելու սովորութիւնը, մանավանդ հնձորեսկում, որտեղ հեռվից նայողը տեսնում է լեռնակողին կպցրած պատշգամբների անկանոն հարկեր և շի նկատում, որ դրանք մեծ մասամբ բողբոջում են խորքում գտնված քրտաակների բերանները: Խնձորեսկի նույնիսկ Մելիք Փարմազի տան հին մասում եղած երեք սենյակներն իրենց ետևի կողմերով մտած են քերձի մեջ, առջևից ունենալով և՛ դալաններ, և՛ պատշգամբներ:

Շատ կարևոր կիւններ մանրամասն ուսումնասիրութեամբ պարզել, թե արդեն դատարկ թողած կամ տակավին բնակելի քրտաակներից որո՞նք ունեն հնագույն ծագում: Գիտարշավի ժամանակ ստացած շտապ տպավորութիւնները թույլ են տալիս այն ենթադրութիւնը հավանական համարել, որ դրանցից շատերը ծագել են այն ժամանակներից, երբ Զանգեզուրի ցածրադիր մասերը դեռ դուրս եկած չեն եղել ջրի տակից: Առանձնապես ուշագրութեան են արժանի այն քարայրները, որոնք ծառայել են որպես առանձնարաններ զանազան ճգնավորների, մարտիրոսների համար և այժմ, որպես ուխտատեղիներ, զարգարված են խաչերով և ոտրք սեղաններով, օրինակ՝ մի անհայտ Նաճատակի և Մարտիրոսի քարայրները Գորիսում, ս. Սարգսիքը՝ Լորա-ձորում Լեռնաշենի (Շենաթաղի) մոտ, Սիսիանինը (Սիսավանինը), Կարմիր վանքի տակինը, մանավանդ Խուտուփինը: Անշուշտ քարայրների այդ պաշտամունքը, որը համատարած է գավառի բոլոր մասերում, գալիս է այն ժամանակներից, երբ մարդս բնակվում էր գլխավորապես քարայրների մեջ և որևէ մեկը նրանցից այս կամ այն պատճառով համարվել է ավելի բախտավորութիւն տվող, ինչպես ավելի ետին դարերում ծագել են սուրբ տներ, սուրբ օջախներ և՛ Լեռնային Ղարաբաղում, և՛ Լոռում, և՛ Գանձակի գավառում:

Քարայրները ծառայում են ոչ միայն որպես բնակարաններ կամ մառաններ, այլև որպես արհեստանոցներ (հին Գորիսում բրուտանոցը), ոչխարի գոմ, Ղզըլաֆակի (Շիլարի) մոտ՝ խօտանոց: Հին Գորիսում ճամփորդների փարվանսարան էլ բաղկացած էր մի քանի քարայրներից, գյուղի ներքևի թաղում, գլխավոր ճանապարհի կողքին:

Գավառի մյուս շրջանների համար Բուն Զանգեզուրից դուրս, որպես բնակարանի ավելի տարածված ձև, բնորոշ է Լեռնային Ղարաբաղում և Գանձակի գավառում ևս պատահող ղարաղամը կամ մէծ տունը, որը Սիսիանում և Կապանում կոչվում է հացատօն, իսկ Լոռում՝ գլխատուն: Սա հայկական ծագում ունեցող բնակչութեան երդիկավոր տների մի տեսակն է, որը կրկնվում է շատ ավելի դեպի արևմուտք ձգվող հայաբնակ գավառներում, մինչև Վանա ավազանը, Կարճկան, Մուշ, նույնիսկ՝ Խարբերդ, ինչպես և Վրաստանի այն գավառներում, որտեղ վերաբնակեցված են հայեր: Հացատօնը մի քառակուսի շենք է՝ կիսով չափ գետնի մեջ նստած: Գերադասորեն ընտրում են նրա համար լեռան կամ բլրի լանջ, անպատճառ ունենում է առջևից, այ և ձախ կողմից առաջ քաշած պատերով զրկած պատշգամբ— էյվան կամ սրհար, սահար: Այդ պատերից մեկի մեջ շինված է լինում օջախ-բուխարի, որտեղ կերակուր է պատրաստվում տաք ամիսներին: Հացատօնի թե՛ երկարութիւնը և թե՛ լայնու-